

澄城附志卷之十

金石志

鍾鼎碑碣有關考據水經注以金石證地輿而近來考古之士所以蒐求不置也  
關中爲□漢舊都金石淵藪吾澄地屬左輔當亦不少特湮沒於荒草之中剝蝕  
風雨之不俾吉金壽石寥寥無幾可惜孰甚茲就舊志所載即新發見者合爲一  
編用資好古者之賞鑒後來者之考證焉作金石志


第十

金類

方鼎 清光緒間趙家河崖崩出古物數件內計方圓鼎各一據邑孺袁利青考察謂係周時吉金當時

澄城縣附志之十

篆	八	鼎	重	後	觀	器	陽	王	元	圖
文	分	帶	七斤	物	其	固	某	知	方	鼎
在	足	足	<small>尺似 計營 造</small>	故	篆	不	購	事	鼎	為
鼎	高	及	潤	列	文	敢	得	以	失	署
內	三	耳	四	之	似	為	之	重	遣	攝
刻	寸	高	寸	於	非	臆	是	價	間	去
如	四	七	五	首	漢	斷	否	在	今	售
下	分	寸	分	計	以	然	周	郤	春	千



宋

文昌宮醮盆 政和四年六月造正書在縣城內西郭祠內土地祠醮盆 政和七年十月造正書在交道鎮寺內

金

醮紙盆 民國初醮醮鎮在潦池內掘出醮紙盆一個文曰同州澄城縣加泉太平兩鄉五管社衆人等維那頭集善社雷浹井等雷九專等發願心寫醮紙盆廟官劉準大監楊興大定十八年歲次戊戌四月初八日

武帝祠醮盆 在良輔河武帝祠內正書

元

岱廟醮盆 在北郭岱廟內正書款署元國歲次癸巳三月丁巳朔造

武帝祠醮盆 至治二年二月中造正書在陽莊村祠內

澄城縣附志之十

石類

魏

暉福寺碑 太和

十二年歲在戊辰

七月己卯朔一日

建正書額篆大代

宕昌公暉福寺碑

上豐下銳首有穿

無撰書人姓名舊

在北寺村寺內

民國七年移治城

初中學校內文見

左



夫元宗□□非名相之所詮至韻冲莫非稱謂之所攝妙絕稱謂微言以之載楊體非名相圓像以之而應故羣有殊致道以經焉萬流競津法以紀焉是以神曦騰曜鏡重昏于大天三乘肇唱拯沈黎于炎宅用慈洳流于當時惠慶光於曠劫自世道交喪靈燭潛暉攸攸羣夢靡照靡矜我皇文明自天超世高悟鼓淳風以懷萬□灑靈澤以沾九服兼遐想虛宗尊崇道教太皇太后聖慮淵詳道心幽暢協宣皇極百揆挺惟新之明緝熙庶績八表流擊壤之詠雖智周世紀而方外之志不虧形應萬機而恬素之真弗擾故能優遊紫宮憲章遺法紹靈鷲於溥天募祗桓于震碑作振且非夫天縱在躬量齊虛受其孰能英 藹而重扇元猷淪而再揚哉散騎常侍安西將軍吏部內行尚書右昌公王慶昔資性明茂秉心淵愍位亞台衡任總機密翼贊之功光于帝庭忠規之節彰于朝司每惟奮施之誠罔申謝生之勲莫報庶憑冥津元期有寄乃穀竭丹誠于本鄉南北舊宅上爲二聖造三級佛圖各一區規崇爽塏擇形勝之地臨沃衍據條剛面修嶽而帶洛川佩黃河而負龍門伐良松于華畎之陰掇文瑤于荆山之陽旌功銳巧窮妙極思爰自經始三載而就崇基重□層攔疊起法堂禪室通閣連暉翠林淥流含壑遞暎蔚若靈椿之茂春陽崑若翔雲之籠□汜金儀赫曜彩絢光備靚之者則瑩發道心藻除塵垢佈元者則陶真煉和遣形忘返諒罕代之神規當今之壯觀者矣夫功高德盛徵聲播于管弦業隆曠載利迹流于後昆所以光宣軌摹永垂不朽故姻舊慶蕊善之至邑里感惠訓之誠遂□石立言式揚暉烈庶洪因鍾于聖躬微津延于先住其辭曰淵哉冲猷徵矣虛宗昏邪交扇氣徒競鋒有覺爰興超悟神蹤志勲淨閑拯塵蒙於顯大代長發其祥景運承符世有語王后皇高悟道風載揚哀此羣或照彼祈鄉化因道感道由人敷愔□安西乘德陳謨宴期幽屬茲靈圖曾是暉福慶宗皇居爰建靈寺妙契天規飛□雲翔浮欄籠□金儀燭曜功殫世奇蔚如岷峯瑛若珠麗閑堂寂寥室虛冲朱質吐霞翠戶含風僧徒遊宴幽宗是融心栖化表寧俗中靈津匪遠□則鏡蛻神豈緬藻基則淨庶運微因慶鍾皇聖爰覲先慈永超塵徑

碑陰文如左

澄城縣附志之十

## 澄城縣附志之十

六

父佛弟子安西將軍秦州刺史澄城公王口隆

兄佛弟子華州主簿王何輅

兄佛弟子寧遠將軍澄城太守口并州刺史澄城口口王口明

口佛弟子口朔將軍河東大守澄城子口澄城太守王口桃

口子佛弟子口郡功曹口口爲成口口澄城太守口口口

兄子佛弟子口楊將軍華州口將王宗口口

世子佛弟子內行尙小口王道諭

第二子佛弟子中書口生王口口

祕書著郎傅思益劄文  
口州鉅作口蘇口刊文

金玉麟曰按碑後書太和十二年歲在戊辰七月巳卯而無撰書人姓名晉帝奕以太和紀元而在位僅及五年唐文宗亦號太和九年後又改爲開成元年則正史並無太和十二年也如於上一字少有模糊強爲牽就則晉之永和十二年歲在內辰唐之元和十二年歲在丁酉此外凡以和字紀年者如晉之咸和宋之景和唐之中和趙宋之政和宣和亦無口十二年者舊志未收此碑而以暉福寺建立之年屬之于宋誤矣况北魏之稱大代趙明誠金石錄已備言之考宋倉梧王四年丁巳爲北魏孝文帝太和元年至齊武帝六年戊辰實爲北魏太和十二年七月朔巳卯今以魏書證之十二年正月朔辛巳中間歸奇二日正符合也至文中所口太皇太后則文明馮皇后也孝文即位馮太后臨朝稱制至太合十四年始崩文所稱爲二聖造浮圖亦等祝厘之義初非冥福之資矣宕昌公王慶普爵里史無可考然文言本鄉舊宅或即澄人未可知也書闕有間歟能無惜焉北魏碑版流傳絕少如此搨者不能不屬之拓跋氏也韓陵片

石之歎庾開府何獨取一溫子昇哉

隋

碑銘殘額 正書題大隋同州儀同姑藏郡太守成公 銘下截則明嘉靖二十九年所刻上人主

墳塔記應係磨去重鑄而猶留碑額耳在酥酪村普照寺內

石像殘碑 無年代及撰書人姓名前題大隋南宮縣令奉車都尉雷明 石像之碑正書在馬村清涼寺內

金玉麟曰 此碑湮沒既久知者絕少石質亦剝蝕過甚而字體瘦勁處已具歐柳宗派惜無可證明耳碑額相傳有石刻佛像爲好事考鑄竊以去考金石粹編載有此文較此多十餘字而於首項明字下作府字今細撫之頗不似次行君諱洪郎處又空一洪字且自記不知碑在何地是所見亦非全本惟後註大業五年實足徵信耳孫星衍預修邑志而所著寰宇訪碑錄乃以爲碑在南食之誤矣

唐

佛頂尊勝陀尼經石幢 太和十四年五月立太原王簡能撰文隴西李文正書在婦安村壽聖寺內文

見左

觀乎佛理元微非至人莫能探其奧旨法性凝寂非達人就能究其真諦則我天人師觀瞻部之內業幢累重習氣根深懷拯溺之舟願慈悲之楫指善住爲證明不生七返以波利爲洪濟永斷三途厥有居士王公允及夫人隴西李氏悟浮生之不永測泡幻之非堅咸願虔誠同心合志建不朽之寶幢則廣施福祐刻永劫之文字則利益存亡觀之者自得生天聞之者免其災禍先將賜果答父母之劬勞

澄城縣附志之十

八

後藉餘光爲己身之船楫又能棲心佛理靜慮蹄筌碑作荃高臥煙雲澄神恬泊唯覺路之可歸依信總持之可攝受捨嗜慾之心節衣資之費召良工鄴荆山之玉建茲是□削崑崙之峯長標角立銘曰唯敘真經有大威靈扶苦拯溺出幽入冥瞻三途而夜懸明月臨沙界而日照衆星破宿障而雲銷霧卷起厚而罪滅福生如來眞倡演說總持靜風波海岳動天地神祇震雷音而怖魔潛伏覩龍德而猛虎收威甘露遍灑醍□微滴沾一飛塵洗恒沙證纒解脫門佳不思議力冀千秋兮不朽徵萬古兮遺跡海變桑田經留功

澄城令鄭公德政碑

俗名三鄭碑以鄭雲達書紀鄭公楚相德政而立魏鄭公祠內立在惜現剝蝕紋裂文不可讀

貞元十四年正月立陳京撰文鄭雲達正書姜元素篆額今在縣南門外魏鄭公祠內文見左

在昔兩漢之政咸勤東京之事最明共理邦邑必難守宰不獨孝宣二千石之選也我國家宏啟至化稽對前謨領縣掄才自爾敷遠實先三輔載首屬城恒寧厥人多及於理不有卓異曷颺頌歌未通神明誰鍊金石由是貞元十一年秋閏八月十七日辛巳詔諭銘紀左馮翊澄城令鄭楚相功德于其理所之南門也澄人謂余方從郎謬跡書殿飽循吏之事業聆采詩之風謠求成其文□美公焉公字叔敖鄭州滎陽人高祖元胄皇朝散大夫祠部郎中曾祖慈力皇朝議大夫蔡州刺史祖敬實梓川通泉丞烈考琨冀州南宮尉累葉盛德咸稱能賢慶遺後人蔚變才子旣冠試吏逢時屢遷及壯佐州遵守方缺拾紫大綬假御兩轡名盈利權道厭曠貴念代游之不吐去巨鄉之舊儀遂以幅巾諸生修刺先進醇粹流藻馨香立言德成敢雄藉奏用申擢秀才第東觀校書郎勞謁者于遺編勉訓士以主簿愛仙家于早歲安□氏以彌年秩滿從調判及殊績授長安尉而至于宰是邑也致理大端本人和氣孝崇悌順心通性革當同財而離居驟撤屋而周處用簡成賦由平頒役諭閑廢精滄蕩俠愛俾懸衡以自占偶踐更而省役敏樹柔桑阜藩多稼讓隣終畝并力從化順祈報以登入洽禮節而息宴井洌河闊浴汲投艱寒燠異宜男女半道戒鑿深厚商利遠邇會廬之義筆周八家不窮之養旁行四字藝蔬屢豐□□□諸圃者放于園公三畝俱存百本咸毓生生之禮備赫赫之名成鴻細必爲夙暮載考厚藏不散□之盡秩有益之祠枯



泉由靈而正出鷲蟲抱義而大去此又感會元昧之可紀者也念歲孤之孺餘散俸廩于里舍訪善良之疾苦降服馬於鄉亭此又願懷隱微之可稱者也統齊多方宗詣元念臻于大稔登於洽平人間歲安風清雲明雞犬攸聞煙火闔境表率王旬圖像延匪君子理道之至歟是皆根于研心持權端操倫軼先時劇幟中歲充賦疾如影響利用卷舒摛詞則宣章練政則居最俄函詔除褻者遂冠惠文行之其猶子康太傅伯師尚書之徵于馮翊崔君慎寵乃寮聞言於獻狀詢績以作椽是百姓孫士良等報德誠明請命朝省而斯頌作焉詞曰澄有賢令兮爲鄭父文雅揚班兮學齊魯執業操刀兮造新部更□關戶兮□舊宇家多令井兮漫畦圃野播膏苗兮斂鍾畝泉異貳師兮亦我樹□同安成兮不吾禦西海少婦兮慎莫渡潁川

四君兮敢爲伍螭龜爰伐兮題廣路崔巍靡泐兮偉終古

金玉麟曰按陳京字慶復京兆萬年人事見柳州行狀所傳文僅數首奏議外無他著述即此文亦奉詔而作要皆官集賢學上時供奉文字也碑陰有金時重修鄭公祠碑記或因此移□歟碑中裂石背尤剝蝕甚惟大金承安三祀冬十二月數字尚可識殆即承安艾元老之所樹耶

宋

乾柏廟碑 乾德三年立高陵令兼殿中侍御史李名缺撰文正書無書人姓名在韋莊鎮廟內

伏龍廟碑 皇 六年二月建雷章撰文張天錫正書篆額在伏龍村寨子廟內文見左

按圖經後周伏龍□廟在縣南五十里周保定四年因神之名始置伏龍府實武衛舍兵之所也古碑斷缺文字難究惟曰有龍始見於南而北伏於此名列王號揭諸廟額神實有靈威福此方凡所祈禱應驗如響民歸事之今益尊信且自古山川土地之神有功能及於物者上自王國下逮郡邑通得祀之蓋示重□報功之禮焉耳而龍於天地間爲物最靈其隱伏顯見隨時民雖利其德而莫知其然也

以故易曰潛龍勿用明隱伏之有時矣又曰見龍在田明顯見之有時矣凡陰陽變化雲雨時施氣序發育品物生成莫不由之是於山川土地之神功最爲大固宜崇飾堂宇謹嚴祠事以報其功者矣里人張守清孫嗣宗等請予曰神之功實被於民廟德雖嚴碑壞不立以懼來世寂沒無聞遂迹其事重刻廟石庶後之觀者知□之德大庇於人矣其辭曰

惟神之靈應民祈禱福佑一方富壽終考春秋享祀俎羞具備更千萬年廟像無毀

**普濟寺碑** 政和壬辰孟冬立邑人曹景儉撰文少陵王愷正書並正額在縣西普濟寺內文見左

距馮翊郡之北九十里其屬曰澄城縣縣西三里澗行西南百餘步谷曰金沙有泉出於山谷之間世傳曰洗腸泉即東晉高僧佛圖澄開脇浴腸之地也師之靈異晉記言之詳矣遼遠曠古聖跡具存高山蒼蒼流水湯湯孤雲裴回仰清風而不忘觀其圓明一鑑涵畜萬象升之可以致雲雨酌之可以愈疾病故民間水旱痞疫必禱焉應驗如響人加畏信相與勸飭創寺宇泉上以爲大眾祈禳歸依福地大觀丁亥冬馮翊久不雪麥苗未滋且慮來歲之歉郡侯郭公長卿遣使具薄塞之饌嚴潔致祀迎酌泉水而供事之越翌日而瑞雪應祈闕境沾是歲迪大熱郭侯表其事于朝天子嘉嘗至大觀戊子四月錫師以真顯法師之號大觀己丑有詔毀天下寺之無名額者太守李公慎由從邑人之請具以靈泉寺屋滿三十楹之數上之詔遂不毀仍□普濟之名以爲寺額李侯親書其榜揭示無窮亦使後世知寺獲普濟名□自李侯始也舊泉之東上皆土山其高數百尺岩巖斬絕雖焦夫牧孺不留能足其地邑之大姓曹師仁之所有也曹念法師神異綿歷七百餘祀今旣膺天子寵命蓋宜崇飾梵宇奉安神像使之輪煥壯麗以爲邑人美觀不亦可乎於是盡族泉上之地以爲寺址有比丘尼法遠苦形勵志力願成就命工懇闢削土山而平之剗攘榛穢始墉始基治遠帝衣一襲糲飯一孟卑辭下色謹募檀越來往城中日十數返冽寒酷暑志不少替邑人視遠之勤嘉遠之志揮金爭施樂助緣事桴瓴甌遐邇替至鳩工聚材卜日而就三門竣時兩廡翼立堂屋廚庫皆有法度粥魚齋磬罔不嚴肅東敞高閣層倚巖腹真顯之像處其下西稱滿軒俯臨溪流以爲土庶行

樂宴嘗之勝然寺踞河上高倍十丈每歲夏秋之交雨水暴漲泉之束岸旋茸旋壞大觀庚汝陽王公浹授天子命作宰是邑或爲民祈請或行春布令扼車駐旆屢之寺下一日據軒愕規曰水所以爲東偏患者以河西巨石礮礮隱伏地中障回水勢而不得西此所以東岸受其患也因自給俸廩募疏鑿以殺水東之勢仍諭遠繼丐化石如柱礎大者二千有奇積起爲岸以護河水泛溢之患以爲永遠堅固之利遠如大夫指閱歲而功告成自是耽耽沈沈莊嚴靜深薦香花之芬馥閑鐘磬之清音梗楠杉檜翠陰蕭森溪聲漱玉巘溜鳴琴禪侶燕坐如鷲峯之與雙林又有桃李茂陽春之華亦有松竹以固歲寒之節夏風如焚則就濯匱谷金沙之泉秋霄氣清則坐延堯山金粟之月顧寺之興豈特法師蓮鉢一勺之水可似爲雲雨而澤萬物至於四時敷榮之景凡可以供耳目之娛者又且使人樂之而不厭也即以利物又以使人孰不曰瞿曇氏之教

呂大防題名 在匱谷石壁上正書韓志載只存行共二十一字首行云進士呂次行云進士陳重三行云知縣事呂大防四行云鹽亭令呂五行云著作佐郎而不書年月

金玉麟曰按舊志稱大防嘉裕間知事庚子春同兄大忠弟大臨尋春匱谷題名石壁考宋史呂大防登進士第爲馮翊簿遷著作佐郎知青城縣英宗即位擢太常博士而無知澄城縣事可補正史之缺前題進士呂或即兄大忠也以時代論之當在嘉祐故列於此

雷天民題名 韓志載紹聖乙亥年刻石正書在匱谷惟雷天民三月上已及後年代數字尙好

孫大道題名 韓志載在匱谷石壁上正書青社孫大道護澤趙華國宣和中辰仲夏念一日同訪隋公泉觀周公遇賢伯仲留題

周銜題名 政和六年刻正在匱谷石壁上東里周銜行之因男承議郎讚知縣事遂遊匱谷政和六年

澄城縣附志之十

十二

二月仲休日題記

周利建題名 在周利建題名右正書奉寧周利建同弟利和利川利謙以政和丙申清明後四日侍祖父來遊匱谷解人張榮晤刻字

按上題名聖俱剝蝕不復可認惟名人題筆不忍湮沒故照舊志錄載

壽聖寺牒二 一熙寧四年十月立僧惠海行書正額在歸安村寺內一紹聖四年十月立楊時中正書篆額在棘茨村寺內俱熙寧二年頒

金玉麟曰按二寺皆以治年四年賜額至熙寧紹聖始立碑耳後題二右諫議大夫參知政事王者王安石也趙升趙林也禮部尚書平章事陳者陳升之也右僕射兼門下侍郎平章事不署姓者富弼也降牒爲熙寧二年十月六日陳升之猶守禮部尚書距丙午不數日而富公罷相陳升之兼門下侍郎矣立碑前祇照原牒刊之耳

壽聖寺碑 熙寧七年五月立進士王殊撰文夷門賈永吉正書在什二曲村寺內

壽聖寺石柱二 一政和元年七月立一靖康五年閏十一月立俱正書在什二曲村寺內

石柱刻字 凡八柱有字者六一大觀三年十月中大觀三年十月二十七日記一大觀三年十月二十八日一大觀四年孟冬爲記一宣和癸卯五月十七日一無年月惟僧至永主持口師數字偵正書在

縣文廟內

金玉麟曰按每柱年月之下字多剝蝕所記皆施主主持

姓名並有寺及道院等字殆廢寺故物移建于此者歟

善化寺牒 正書政和五年立無書人姓名在權家河善化寺內

聖化寺碑牒 熙寧時立碑額篆刻勅賜壽聖之寺筆跡遒勁無撰書人姓名惟有同平章事王字樣蓋壽安石也在朱家岨寺內

金

三官殿碑 大定五年七月建劉稽撰文党慶正書在北郭寺內

洪福禪院碑 大定丙申三月立沙門淳肇撰文任信正書碑作四層上層中鐫佛像兩旁篆額二層禮部牒文三層刻記下層寺僧名字在撲地村寺內

午西寺碑 明昌六年中秋月立沙門釋智撰文進士嚴曦正書在西觀村寺內文見左

夫中天善逝言悟有方二障全祛十身齊現證其理也若大海之湛然指其事也等千波之周匝相因性而顯著理籍事以莊嚴若病起于妄情必局分於理事由是如來談中邊之了義用破悞迷落生死之慢山信符宿願其道也資于沙界其德也被于華夷舒權巧之行門趨真實之境界大矣其功莫尚乎興福者也午西里有寺曰延福禪院寺之舊屋屋社西北隅即故厚利社也考諸耆宿自唐宋以來爲選佛之場具有碑記久而湮沒復因靖康兵革關河擾動香火漸消屋宇欹漏至大定二十年奉我應天興祿欽文廣武仁德聖孝皇帝聖德寬厚勅天下無名額目來宮觀寺院功德完備出給存留永爲照使當時差官行下勘會本社古寺合給存留付勅舊仕僧法深收執于庚子春十四日法深歸寂父老議日法之興廢存乎人人若不洪道無由起故具齋沐攀請秦城寺律師規公佳持斯院師乃

三復久而方諾衆備香花長鋪紺髮迎至堂頭師謂衆曰觀乎寺址必難久矣于厚利午西相次兩中地勢雄四壯望坦東北接梁山南朝華嶽西與仙公並勝東與大雲相輔則茲地爲招提也久矣勝矣于是父老欣然之時大定丙午鳩工運材乃移社東古跡棲雲寺殿一座併爲焉寺師練頭陀一毫不留瓶鉢之外了無長物凡所得利皆給當住不歲之間告成殿堂廚庫改觀一新三門樓聳千里平揖告成之日唱道續燈未嘗有關至明昌甲寅小春乃自省日屋宇日已新香火日已興疲役日已重限軀日已盡斯院之繼者何也沈思之動容有間河中普救十方大悲禪院靜行僧正高徒照公法師即其人也由是修疏三請同住斯院師亦威嚴德重定惠均平修一行之三昧求安養之彌陀前有未備之緣無不備矣前有未揚之事無不揚矣誠焉信焉龍鬼相之縈素有力者助之無者贊之然是則非者舊之請不能致規公之來非規公之來不能致寺之更新非照公之相與勤蹟不能具嚴其善也時節因緣有所待也今既事緣周畢欲不朽于後者碑記可焉照公敘其實余爲作記亦使二師興復科標信不虛矣

金玉麟曰按碑前書加泉鄉午西社考太平寰宇記澄城縣十七鄉今九鄉至明始併加泉入太平鄉也即

以社名作寺名矣寺門午西寺橫榜三大字乃前明董文敏公其昌書三百餘年而精氣不減例得附書

元

聚仙觀碑 至元三年三月立夷澄城文撰王毅正書傅良弼正書額碑陰刻宗派圖在蘭莊河觀內

玉泉觀碑 至元十七年立正書篆額撰書人姓名失在歸安村觀內

保安觀碑 至元二十四年六月建東蜀張志隆撰文竇邦傑正書篆額在安里村觀內

宣聖廟碑 至元三十年三月立劉忠撰文齊天祥正書並題額存廟內文見左

天地至廣以其無不覆載日月至明以其無不照臨夫子之道至大以其無不貫通由百世之王莫之能違目生民以未有盛於夫子也蓋古之帝聖者曰堯古之君明者曰禹堯之德有時而息禹之功有時而終夫子之道久而彌芳遠而彌光用之而顯舍之而仁其具仁義禮樂其教文行忠信其倫君臣父子其民士農工商其治賞善罰惡措之于事則順而詳施之于時則宜而安循而至于位天地育萬物舉皆在是朝廷敦武德而重文教獨贊失子爲萬代帝王之師春秋二仲上丁通天下都邑行釋奠之禮於廟籩豆嚴設牲牢畢陳當是時也公卿百僚端笏垂紳禮官贊導拜跪于庭雖去聖人之遠不忘思報之誠其道極尊無得而名澄城屬同郡之上邑粵自舊羅兵蕩居民鮮稀儒風簡略有官守者非不欲疏通壅滯宣導鬱湮然公家之事最爲劇繁而否泰有時寧無所得驟圖亨奮未易致也至元歲次庚寅仲夏從任郎薛君諱文耀字彥輝剛方清慎勞績著聞遷秩來宰斯邑下東之始首謁宣聖文廟拜奠禮畢顧廟庭之中外棟宇顛危垣壁傾頽喟然歎曰國家詔興祀典此實先務其間一不知儀責歸有司詎可坐視而不之恤哉適丁是歲季秋時和年登嶽空訟簡宰與前監禿魯迷失前佐王幹共捐俸金命匠募工先經始于大成之殿繼及賢堂前後門廡俱圖營治精選佳木換易朽株宗桶用新甌甌具美祭器罔不豐備培砌悉經補修鄉邑之民樂聞盛事有負畚鍤以効勞者不期然而自然莫朔再更工聿云畢惟聖賢十哲繪像闕如逮于辛卯秋九月逮魯花赤八刺主簿蕭世成被命來蒞斯任宰聽理之暇首敘此舉二公欣然允可並典史張守信亦從其事於是均辦餘□以充支費癸卯春特命繪工彰施五采冕服旣飾復見本真又增修唐相鄭公文貞廟於城之南內塑公之真容以奉時祭皆宰力也至若興崇學校築大通橋重廊修宇監辦增餘觀宰之用心懇篤不惟起廢曠於一時又能矯拂趨競此其所以駭衆人之觀聽也歟宰世系丹陽郡蒞官廉潔待士虔恭善不矜於人功不代於己其素志如此然則褒揚偉績歎美英風大抵人情感動自又不容遏者一日前稅使生德樊用泊王彥請謁於僕拜

手言曰縣尹之修文廟落成久矣德等卑微勝逢難再願請其本末文之微石不亦宜乎先生職專訓導義當勇爲之託不可卻也僕對曰唯遂命管城開我茅塞據其實用

澄城縣附志之十

十六

記歲月而已若曰臨文飾辭則愚豈敢

金玉麟曰按舊志稱此碑已失今於瓦壘中得之完好如故幸何如也大抵洪惟存太史未曾到澄而一時采輯者因陋成書掛一漏萬難免韓昌

黎之誚矣

縣學講堂碑 皇慶元年季秋立岳松撰文劉堯澤正書篆額在文廟內

玉泉觀碑 延祐乙卯四月立潘汝劫撰文並題額正書在玉泉觀內

廣濟院碑 至治元年五月建祖湛撰文并正書無額碑首刊勅賜牒在集賢村寺內村名今改南社

城隍廟碑 後至元四年閏八月立劉宏遠撰文王中正書並篆額在縣城西郭廟內

金玉麟曰按順帝以乙亥改至元元年四年爲戊寅緣世祖先以至元建號故稱後以別之惟祖孫相繼改元而無沿襲之嫌何耶考城隍神號世每引易城復於隍以爲起困學紀聞所載李陽冰祭文云城隍神祀典無之吳越有爾能北齊書慕容儼鎮郢城先有神祠俗號城隍是在唐以前也至唐人則張說有祭荊州城陷文李德裕建成都城隍廟李商隱集中祭城隍神文則尤多故陸游云唐以來郡縣皆祭城隍證以此碑所紀則唐代即有安祠而亦並不止於吳越也明矣

浮澤廟碑 至正二十六年十月立楊建中撰文宋拈木正書在義合村廟內

學城碑 嘉靖三十四年十一月立韓邦奇撰文馬理篆額正書



現在文廟戟門下

此碑係學宮在西關時修城以衛故名  
學城碑後文廟移城內碑遷戟門下

壽官趙南軒墓表碑

明嘉靖二十年二月立朝邑韓

邦奇撰富平楊爵書渭涯樊得仁篆額在寺前鎮趙家墳內

重修佛圖澄墓塔誌碑

在西關西寺篆額正書書頗秀勁文共二十一行均剝蝕模糊所可辨識者首

行重修佛圖澄墓六字二行鄉進士劉振益撰七字三行邑學生路遵書六字十八行文林郎知澄城

縣事安邑鄉進士王之春十六字末行萬歷十二年三月十七日十字

按西寺雖僅窟一孔為佛圖澄初來澄  
棲居之所後移普濟寺碑後相傳為藏

骨處舊志未載今補誌之舊有

佛圖澄石立像一座今被竊去

清

安寧寺碑 乾隆四十九年立弘法沙門香析隆書在姬家河安寧寺內筆法道勁

